

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



KESAN PERHUBUNGAN JARAK JAUH (PJJ) TERHADAP ANAK-ANAK

Nurul Fahana Aini Harun, Fairuz Ramli, Ruqaiyah Ab Rahim

Perhubungan jarak jauh (PJJ) semakin menjadi fenomena biasa dalam kehidupan moden, terutamanya apabila ibu bapa perlu merantau kerana tuntutan kerja, pengajian atau faktor ekonomi. Walaupun teknologi komunikasi memberi kemudahan untuk terus berhubung, kehadiran fizikal ibu bapa dalam kehidupan anak tetap tidak dapat diganti. Anak-anak yang membesar tanpa sokongan secara langsung daripada ibu atau bapa, sering berdepan dengan perasaan sunyi, rindu, dan kehilangan. Perasaan ini boleh meninggalkan kesan emosi mendalam sehingga menimbulkan trauma.

Trauma akibat ketiadaan ibu bapa di sisi biasanya muncul dalam bentuk keresahan, rasa tidak yakin, serta ketakutan untuk ditinggalkan. Anak mungkin mula memendam perasaan atau menjadi lebih sensitif terhadap situasi sekeliling. Dalam jangka panjang, trauma ini boleh mempengaruhi perkembangan sosial mereka, termasuk cara mereka berinteraksi dengan rakan sebaya dan orang dewasa. Anak yang tidak mendapat bimbingan emosi secukupnya berisiko membesar dengan keyakinan diri yang lemah.

Selain kesan emosi, PJJ juga memberi impak besar kepada pelajaran anak. Ketidadaan dorongan dan pengawasan langsung daripada ibu bapa boleh menyebabkan anak kurang bersemangat untuk belajar. Emosi yang terganggu membuatkan mereka sukar fokus di sekolah, dan dalam sesetengah kes, pencapaian akademik mula menurun. Guru sememangnya memainkan peranan penting dalam membimbing, tetapi sokongan ibu bapa tetap menjadi tonggak utama dalam kejayaan pendidikan anak.



Walaupun bagaimanapun, tidak semua kesan PJJ bersifat negatif. Dalam sesetengah keadaan, anak yang membesar tanpa ibu atau bapa di sisi belajar untuk menjadi lebih berdikari. Mereka belajar menguruskan keperluan sendiri, menyesuaikan diri dengan keadaan, dan mencari jalan untuk berdiri atas kaki sendiri. Proses ini secara tidak langsung melatih daya tahan mental, menjadikan mereka lebih matang dalam menghadapi cabaran hidup. Kemahiran menyesuaikan diri ini akan memberi kelebihan kepada mereka apabila melangkah ke alam dewasa.

Namun begitu, kesan negatif ini masih boleh diminimumkan jika terdapat usaha yang berterusan daripada ibu bapa dan pihak sekeliling. Walaupun berjauhan, komunikasi yang konsisten seperti panggilan video, mesej suara, dan ucapan semangat mampu memberi motivasi kepada anak. Anak juga memerlukan sistem sokongan lain seperti guru, ahli keluarga terdekat, dan masyarakat yang prihatin bagi mengisi kekosongan emosi dan memastikan mereka tidak berasa diabaikan.

Kesimpulannya, perhubungan jarak jauh memberi kesan besar terhadap anak dari sudut emosi dan akademik. Trauma serta penurunan prestasi pelajaran adalah cabaran yang nyata, tetapi ia bukanlah sesuatu yang tidak boleh diatasi. Dengan kasih sayang yang berterusan, komunikasi yang jujur, serta sokongan daripada persekitaran, anak-anak tetap mampu membesar dengan sihat, seimbang, dan mencapai kejayaan dalam hidup mereka walaupun berjauhan daripada ibu bapa.